

紹興縣志資料第一輯

第七冊

第一輯 地志叢刻

紹興縣志資新

李生為題

田

第七冊（重訂分冊）

紹興縣志資料第一輯

杭州古籍書店複印

中華民國二十七年七月

紹興縣修志委員會刊

紹興縣志資料第一輯

地志叢刊目錄

三江所志

安昌志

柯山小志

天樂志

曹娥江志

曹娥鄉志

天樂鄉富家墩村志

滙海所志

梓里記

阜部誌

此類地志成爲未刊本或爲採訪者所新編一鄉一村自出機杼成一家言今悉入此刊
名之曰地志叢刊蓋既不敢掠作者之美且不欲割截刪節以失其真庶他日修志得以

詳考嘗閱翟兌之志例叢話有曰蔡元培上虞志例以圖爲宗以說輔之凡屬於某區之建築皆詳志焉而以志山志水爲兩篇次於圖後陵墓寺觀橋閘塘堰之屬又分附焉如是則記地之文盡此一篇一覽無餘誠可師也

按今上虞志無此例

言茲之所輯亦本此意惟惜

此類著述殊少不能各鄉悉備耳

附嘉慶山陰縣志校誤補遺

三江所志序

始祖何源公以開國功於洪武二十八年授世襲千戶職世居三江至我朝大清咸豐同治年間蓋數百年矣竊我江城一區置於廣莊之中僅如黑子彈丸耳加以迭遭兵難城池半爲瓦礫戶口凋敝衰耗特甚而安知自有明以來本城科第蟬聯民物殷阜居無隙地如誌中所載乎每觀此書未嘗不歎盛衰升降焉江城文獻編於張公應蓊增於邢公振綸三江所誌記於陳公宗洛增於傅君月樵未曾付梓詎遭咸豐壬戌癸酉年間粵匪兵燹篇頁焚失絕無存者學常爲恨恨焉適光緒元年家君館於安昌徐鑿池家伊處尙有遺本急爲借錄欣躍殊常然斷簡殘編字句多缺學敢於各編中無者增重者刪又將所誌文獻合訂一書現尙有陳公宗洛誌引未能錄入而所誌跋得於向惕齋先生志學後錄序中仍以存舊昔歐陽文忠公云讀漢唐書目見其所列著者不啻千餘而散亡磨滅百不一二存以立言之不可恃如此嗟乎何況是書何況是書之未刊刻乎得失存亡可亦置之度外矣然經學如張字侗先生道學如向惕齋先生後生小子欲考其人將焉所得乎則是書之存不亦大可幸耶况內載諸書詩序現惟鳴九程公開務全書頗行於世而此外泯焉學又悲昔賢之立言真如文忠公所云無異草木之榮華飄風鳥獸好音之過耳同歸泯滅則是書之存不宜重加愛惜耶或曰是書誌三江

耳何足爲外人道也乎又以爲不然夫聖賢立言大旨欲勸善懲惡使本城人讀之知祖上之盛德如此不敢爲非倘外人見之知某者忠某者孝某者節某者義而善心不油然而生乎則是書之誌也豈第載山川塘閘科第而已耶亦大有關於名教矣

光緒元年夏季江城後人何留學希文書於東門城內聽潮書屋

三江所誌

理學 爲江棟之冠故以爲首

山川

險要

塘閘

風俗

物產

官署

祠祀

名宦

世勳

江城文獻

庠生

文科

武科

武甲

鄉賢

忠烈

孝友

義行

儒林

萬賢

貞節孝養

附貢叙

三江所志

理學

陳和曰昔孟子有言夫道一而已矣則君子學以致道甯有二致哉自宋象山陸氏守內遺外而吳草廬遂將德性學問離而二之至姚江王氏益與朱子牴牾致使講道者競尙新奇各自爲說幾不知程朱傳註爲何物觀我江城諸公所論著可見矣我朝國運昌明醇儒輩出稼書先生倡之於上而惕齋又和之於下程朱之道之學乃始丕顯於世何其盛哉然此菴爾海濱之地使德行文章莫爲之前後人亦無所慕以從入况更求盡善乎則先輩諸公以髮引千鈞其力甚鉅未可以其偏而少之也集理學

明張伯樞字慎甫號宇侗哲之孫少年卽遊府庠屢冠多士後乃留心理學一赴省試遂棄去境奇窘愈勵清節慨然以明道覺世自任當代名公鉅卿多尊師之而易亭劉公一焜菴山劉公宗周尤所稱莫逆者方是時二公名重海內伯樞惟以介節自高凡所推引俱却弗就惟遇闡揚幽隱激勵名節事未嘗不切切言之其生平學業大約由堅苦而幾於自得以躬行而發爲著述遁跡終身不求聞達真儒者之高蹈歟崇禎庚辰卒年八十歲山率諸生哭奠私諡聞貞閩郡紳衿請諸學憲許公彥崇祀鄉賢次子懋義字足和能世其學門人山陰徐之達曰

先生讀易次第備於上石翁劉公一書而晚年得力尤在畫上抽繹謂聖人取象繫辭無非畫中所具惟一陳說六畫以會先後天妙旨則爻象之意了然故其所解盡掃諸儒割裂支離之病易道至此可謂燦然大明於世矣 先生易解語語靈醒字字貼切將當日發言之旨意宛然畫出洵堪羽翼經傳達等懇公之海內先生以下孟剛正未畢姑遲之歲月 先生常曰文章不關世節雖工無益故其所著字解史評諫術聖蹟圖正諸書俱可上翼聖賢下開來學於世教大有賴也 門人傳善典曰先生易抄四集彙古今名儒諸說精以擇之舉坊刻所已行者汰其浮冗者十之二三增其未備者十之四五足爲講易全書原欲與易解並出而力有未暇姑以俟之異日先生詮解五經春秋則見推於常伯鄒漣水詩解則見推於相公劉是菴其餘爲海內名公鑒賞不可勝舉 陳和曰生成進士死入鄉賢此昔人所期而難必者然予博攷志乘大抵死入鄉賢者多生成進士卽或不然必其子若孫有成進士者求其以處士而得聖賢則不數數觀焉甚矣名位之重而科第之足以顯親揚名也然士誠德業懋著言行著述足以垂世立教則來世而後豈無有發潛德之幽光者乎倘張先生以處士崇祀鄉賢鑒鑒有據今徧查郡邑志書其姓名行述缺焉有間豈後之修誌者以其側陋而逸之耶今特据向荆山所作行略編爲理學傳首 外元孫程良本曰先生五經四書諸解皆刊於明末傳播未

廣又屢遭兵燹盡行灰滅惟易解刊本一部爲全書什襲而藏於家者有年矣予舅氏覺頑因子姪無力業儒恐致遺失特以托付表姪傅宗道欲其實而傳之豈期宗道北遊竟爲伊妻弟盜去換錫先生一生精神江城百年文獻一旦失之嗚呼惜哉幸書序總綱數十篇尙在學者猶可因略以致詳而四方篤學君子庶幾得之或相與表章不使大義微言終於泯沒則斯文之晦而復顯予正不能無厚望也

王舜鼎字仔肩號墨池萬歷戊戌進士授刑部郎中深究律例曰律死書也而道主慈濫獄枉斷緣不識律耳於是合古律例申明獄政刑戒等書其要名宣慈錄時與法曹訊事皆引輕例給事曹學程當刑力救之得免尋遷兵部郎中軍伍册斥絕餽遺未嘗私一弁擢四川參政會旱災倣常平法以行賑濟又治兵綿左署臬篆爲臺使者所倚重凡大議大役必咨決焉代臬司入覲舉卓異廷勞賜金累陞工部尙書以勞瘁卒於京師年六十七所遺敝篋書數卷而已遣官營葬賜諡恭簡祀鄉賢 舜鼎晚號無適居士著座右自省十則 愧 此事在人匪難匪易個個圓成因何長睡情識紛飛如夢如醉浪死虛生思之可愧 懼 浮生幻質人命匪堅此時不徹更待何年牽犂負重皮破肉穿反手覆手懼莫大焉 憤 七尺丈夫冲天有志彼聖何人我何自棄玩弄精魂到底虛僞不破不休常憤憤地 疑 此中可怪忒然無端

依稀光影卻苦仰鑽欲吞欲吐箇子鐵酸漆桶未破莫放疑團 究 糞土拾金不無歡喜入
海窮源還須見底已不是渠渠却是已究之究之剝膚入髓 看 咄這牯牛切莫認錯執杖
視之勿令走作鼻孔拽回好之線索收放自由看看如昨 耐 直下承當原無等待必有事
焉機資灌溉靈苗自栽無在不在勿助勿忘久而愈耐 轉 荆棘叢中出頭可冀月明簾外
轉身非易坐却靈床反招家祟拈向一邊縱橫如意 盡 不落有無那存觸背通身是眼明
道若味腦後一鎚虛空粉碎極盡玄微無對所對 了 只爲未了打箇之邊大歇大休天空
月皎若說有了了卽是擾無了之了名曰真了

章若昌字智甫號璇陽三歲失父始彭某氏撫以爲嗣因姓彭勤苦力學晝夜蚊盛則納
足甕中讀書至夜半不輟聞海門周先生講學劉溪從之遊稱高第嘗館於金庭朱相公家師
道尊嚴爲公敬憚萬歷庚子舉於鄉甲辰成進士題請復姓任刑部雲南司主事回籍病卒年
四十四子靜觀山陰諸生都督翊山黃公道囑有曰璇陽先生家貧少孤卒能勤學力行置身
理學前輩推重如此

傅鼎字震伯號廷岳國才侄孫山陰諸生萬歷間墨池王公璇陽章公相與講明良知宗旨而
聞貞張子爲之冠鼎與志同道合尤相友善居常好靜坐所著書因遭兵火散亡其遊友詩曰

梨花雪半柳枝風杜宇聲中落片紅買得壺漿修禊事候君先過小橋東胸襟洒落有春風沂水之趣又村居自述詩曰生來苦不足身世兩無依僅存骨瘠立非復膏粱肥病婦春粟起穉兒忽啼飢濕烟遠屋生摘薪向東籬飯熟日已昃失飪良勝無有客敝屣至攜之過村墟跌坐拾黃葉新詩葉上題悠悠世路寬閒吟聊自怡氣格高超不規撫陶而自與陶合卽此可見其安貧樂道之概而詩之似陶與否又非所以論先生之大者也 無叶音微墟叶音希

張應鑒字奠夫號凝菴晚年自稱餘生子先受業於張聞貞後從念臺劉公學及門中最爲器重公常曰不失吾學之正者奠夫一人出入兩都無不隨侍嘗命作中興金鑑欲上不果甲申公絕粒空庵應鑒猶侍左右衆咸謂事或可爲幸爲國自愛應鑒大聲曰人臣分義自當一決公慙其言攜手訣曰學問未成全賴諸子屬望肫切公既薨同人黃宗義祁駿佳等請主城南證人書院講席歷三十餘年所計四百餘會會各有記祁寒暑雨未之或輟年逾八旬瓶無脫粟宴如也老成典型遐邇景仰或作詩稱之曰講學修身八十年猶如松柏老彌堅近承忠正劉公肅遠接文宣孔子傳或曰濂閩之後誰繼踪斯文端的屬劉公證人講會明季始於今乃有張夫子手執簡編而聖賢親爲斯人發宗旨思將一力挽頽風諄諄肯復惜唇齒又有曰證人有會四十年只在存誠無別訣提撕後學喚同人賴有先生教思切坐臥行止不少休寒暑

風雨未嘗輟道脈綿延微乃著終日衣冠敬無褻言行交孚邁等倫見者聞言皆深折觀此則其學其人可想見矣子自簡字敬可山陰諸生亦從學於念臺嘗曰簡弱冠幸獲耳承緒論六十年來夢寐飲泣民生於三其敢或忘

傳善典字堯卿延岳長子受業於聞貞張先生先生愛其篤實妻之以女善典承父師之學篤志深造著大易述以發明之

清

向璿字荆山號惕齋間稱江村野人百戶高之元孫也父嘯雲生纔七十日而祖廷謨卒祖妣童以苦節撫至成立康熙壬戌嘯雲就山東萊州府鰲山衛守備幕挈家往生璿署中性穎悟五歲母鄭口授四書大義卽知領略就傳以後學日進且工爲文父欲令赴順天鄉試爲援例入監十七歲回江城大肆力於舉子業下筆千言立就里中老宿皆刮目待之乙酉丁內艱動心忍性一日讀孟子至人之所以異於禽獸者幾希猛省曰存此則爲君子去此不將爲禽獸乎逐怒然恥爲凡民聞郡城陽明族裔行九先生講良知宗旨往叩之語甚相契歸輒糾同人陳和張汝霖周尙文等爲輔仁會每月一舉沉酣於王學者六七年悟徹玄妙壬辰偶得高忠憲年譜及薛文清讀書錄反覆玩味內以體諸身心外以驗諸事物乃漸覺良知之說未當而

信居敬窮理之確不可易也自是動靜語默一以程朱爲師凡居敬之要博約之方理氣之分
儒釋之辨莫不窮原竟委抉髓研精自乙酉以來書其所見名志學錄已自成帙至是定癸巳
以後者爲志學後錄於四子書尤細心靜會謂於孔曾思孟本意絲毫不失者惟朱註耳逐字
逐句體認入微而諸儒之說則講去其非而歸於至當詳載四書記疑生平事父色養終身日
隨侍闔閭如也雍正丙午父歿年已四十有五矣而哀號迫切一同孺子之慕喪葬諸禮則料
酌於今古之間行之聞人之善雖小必揚見人之惡雖微必隱親朋有貧窘者必約己周恤終
始無間與人交誠意盎然規勸肫懇有時含淚又善啓發人以一二語指點能使人當下自省
而不信者則不强聒也堅執已見者則不强其必同也家貧食指繁衆惟藉館穀爲生或終日
不舉火而卷不釋手自幼體弱多病歲時常發往往困劇幾殆而志不少衰一切紛華玩好不
以屑意遇佳山水則樂遊忘倦至於詩古文辭獨愛歸震川魏叔子王阮亭每密書而吟咏之
間亦自爲詩文以自娛皆有瀟洒出塵之趣晚歲益閑然自修專以畏天反躬爲務涵養深邃
氣象從容狡詐者對之傾誠驕悍者見之起畏洵一代君子人也辛亥五月戊子卒年五十
者稱正學先生配呂氏有淑德生子三長宏運府學諸生黃良輔曰先生之學自是伊川考亭
正傳而洒落和易則兼有濂溪明道風味書云天壽平格平格如先生固宜得其壽以壽世矣